



Lappi õõlmlaž sosiaal-, tiõrvâsvuõtt- da
peälstemkääzzkõõzz 1.1.2023 ää'ljee'l.



SNIMILDÖK: Sosiaal- da tiõrvâsvuõttministeria

Lapin hyvinvointialue

Lappi buresveadjinguovlu
Laapi pyereestvaijeemkuávlv
Lappi pue'rrvââjjamvu'vdd

● Lappi vuu'd pue'rrvââjjam vuâđđka'lli

Lappi pue'rrvââjjamvuu'dest reâugga 1.1.2023 ää'ljee'l miâlggâd 8000 soti- da peälštemsue'rj ämmatnee'kk̄. Pue'rrvââjjamvoudda ko'lle:

- Lappi 21 kââ'dd sosiaal- da tiõrvâsvuõttkääzzkõõzz
- Lappi da Länsi-Pohja puõccihâiddamvuu'd
- Kolpene kääzzkõskõõskõs, Oulunkaari Simo kääzzkõõzzi beä'Inn, Pelkosenniemi-Savukoski meertiõrvâsvuõtt-tuâj kâ'ddõhttõs da
- Lappi peälštemstrooi'tel da suâppmõščackkeemkâ'ddnee'kk̄

● Vä'lddkââddlaž muttâz täävtõõzz

- staaneed õõutverddsaž da vue'kk̄šõs sosiaal- da tiõrvâsvuõđhuâl di peälštemtââim kääzzkõõzz
- pue'rrvââjjamvuu'dest jâlstee'jid
- k̄ee'z̄zeed pue'rrvââjjam- da tiõrvâsvuõttjeä'rdõõzzid
- staanâd ämmatčie'pp tuâjviõgg vuäžžmõš
- va'stteed âkkõõvmmõõžž da šõddâmvuõđ occnummuž tuejjuum va'z̄ztõõzzid
- tuõ'll'jed kuuli šorrnummuž

Ee'jj 2023 aalgâst soti- da peälštemkääzzkõõzz se'rdde kâå'ddin da kâ'ddõhttõõzzin pue'rrvââjjamvuu'did.

Oodummuž meär lij riäššâd sosiaal- tiõrvâsvuõtt- da peälštemkääzzkõõzzid juõ'kkâ'rnn Lää'ddjânmmest jeänab tää'ssärvsânji ko ouddâl. Lappinii'kki pue'rrvââjjam vuei'tet puõ'ttiäi'jest oou'deed mäddkâ'ddtäss'sânji.

● Mii seill seämmanalla ko ouddâl 1.1.2023

Muuttâs lij ee'jjvaajtõõzzâst vaaldšemvuõdlaž ij-ga tõt tuõ'jje muttsid kääzzkõõzzid. Muttâz kääzzkõõzzid pue'tte pue'tti ee'jji poodd.

Vuõinnlõõđak toobdâs tuâjjlaid seämman tuâjain. Ooumažmuttâz lie šurr- da jâå'dtemtä'zzest di valdšmest. Kääzzkõõspäi'k lie seämman, koin leäk mättjam jie'lled.

Privatt täimmjid ålgguum õõlmlaž kääzzkõõzz še seille seämmanalšem ko ouddâl.



● Smiõttak-a, mâi'd muuttâs miârkkšââvv tuu puõtt?

Vuäitam-a ä'sšeed ko'st täättas Lappist?

Tiõrvâsvuõttkääzzkõõzzi va'lljeemvä'ldd pââšš viõggâst se'rddempooddâst. Vuäitak va'lljeed mõõn täättas tiõrvâsvuõttkõõskõõzz Lää'ddjânnmest jiijjad tiõrvâsvuõttkõõskõssân ee'jj vuârast. Kïrrsallaš da hâiddplaan meâldlaž kääzzkõõzzid vuäžžak pâi âarrampäi'kk-kää'ddstad.

Jee'res tiõrvâsvuõttkõõskõõzzi puõcciteâttriâžldõõgg da liâđglâž ä'sšeemkanaal pue'tte lee'd seämmanallšem eman âlddee'jji mie'ldd, da kääzzkõõzz pue'tte siõmmnai siõmmnai jeänab veiddsânji ri'stte ââ'nnemnalla. Tãn poodd jee'res pâi'kk-kää'ddi tiõrvâsvuõttkääzzkõõzzin jeä't vuei'n pukid jeârssi kee'rjtõõvâam teâđaid. Tõ'nt ouddmiârkkân pâi'kk-kää'ddest, ko'st jeälak tuâjast tiõrvâsvuõttkääzzkõõzzi tuâjjla jie možât vøl vuei'n tuu ä'sšnekteâđaid.

Vuäžžam ââ'n ouddõõzzid le'be kääzzkõõzzid, taarbšam-a ooccâd tõid o'đđest ee'jjvaajtõõzzâst?

Jiõk taarbâž. Sosiaalkääzzkõõzzi miõttâmvuâđ pue'tte lee'd õhttnaž, da taarb mie'ldd leä'p tuin õhttvuõđâst. Jõs vue'jjad mottai, mij ärvstõõllâp tõn o'đđest.

Lââ'zz vasttõõzz täujja kõččum kõõččmõõžžid

→ lapha.fi

● Mii mottai 1.1.2023

Soti-personkää'dd

ne'ttpåå'staddröõzz mottje ååblka
ouddnõmm.sokknõmm@lapha.fi

Vuaitak vuäžžad ne'ttpåå'st odđ addröõzzâst ju'n loppee'jj poodd. Vuä'mm addröõzz toi'mmje kuuitâg ee'jjvaajtöõzz räjjä.

Te'lfon-nââmrin vue'ss mottje da tõin teâdtet jee'rab.

Määus, pää'lk da kääzzköõzzi miöttâmvuâđ pue'tte lee'd seämmanallšem obb Lappi vuu'dest. Odđ miöttâmvuâđ kue'skkë vuõss-sââ'jest odđ ä'sšnekvuõđid di vue'jjid, koin ä'sšnee'kk kääzzköõstaarb âlgg ärvstöõllâd o'dđdest.

Teâđ kääzzköõzzin

Ääi'jpoddsaz teâđ Lappi soti- da peälstem- kääzzköõzzin kaaunak ee'jjvaajtöõzz mâhŋa addröõzzâst → **lapha.fi**





Pue'rrvââjjamvu'vdd lij jiõččvaaldšemvuõđlaž vu'vdd, koon pââimõs tu'mmjemvää'ld ânn vu'vddvälddõs, ko'st lie 59 vuâzzla jee'res beä'lnn Lappi vuu'd. Välddõs tu'mmai ouddmiârkkân, mã'htt kääzzkõõzzid riâžžât da vää'rid ââ'net. Sâbbrid vuaitak seu'rrjed sâabbarpääi'kest le'be Youtube-kanaalâst.

→ youtube.com/@lapinhyvinvointialue

Jee'resâ'rnn sosiaalaž mediast:

Instagram da Facebook [@lapinhyvinvointialue](https://www.instagram.com/lapinhyvinvointialue)

Twitter [@lapinhyvinvoint](https://twitter.com/lapinhyvinvoint)

Ti'lle oodâskee'rj da uu'd maacctõõzz → lapha.fi